



UNIVERSITÄTS-
BIBLIOTHEK
PADERBORN

Universitätsbibliothek Paderborn

Militia Sacra || Dvcvm Et Principvm || Brabantiaë,||

Molanus, Johannes

Antverpiae, [1592]

De sacra militia Conradi II. pro Episcopo Cremonensi. Cap. XLIII.

urn:nbn:de:hbz:466:1-38114

retur, obtinuit etiam ab Imperatore Conrado Mosellanorum Ducatum.

Otto Frisingensis libro v. i. Chronicorum cap. xxxi. vocat eum Gozilone Ducem Belgarum, vbi meminit victorię eius quam ad Barrum habuit contra Odonem Comitem.

De sacra militia CONRADI II. pro Episcopo Cremonensi.

C A P. X L I I I.

Hic Imperator Ducem Gothelonem, à S. Henrico creatum, moriens sustulit. Ex lib. 8. Sigonij.

SANCTO Henrico in Imperio successit Conradus II. per annos xv. Qui in Italia contra Cremonensium coniurationem non ciuile modò, sed sacrum quoque bellum gessit. Hi anno .xxxv. Landulphum Episcopum consilijs suis aduersarium ex iracundia inuaserunt; eoque vrbe depulso, bona diripuerunt, & custodes, qui cum quibusdam Canonicis ibi erant, venales habuerunt, & fortunis omnibus spoliarunt. Vrbe verò veteri à fundamentis eruta, maiorem alteram, vt Conrado resisterent, condiderunt, ac postero anno Hubaldum Episcopum, qui mortuo Landulpho successerat, multis contumelijs affectum, possessionem inire bonorum Ecclesię voluerunt. Quę mala Conradus audiens, iniquissimè tulit, & Cremonam procedens, coniuratos quoscumque seuerissimis quæstionibus exercuit. Exstat decretum eius, quo propter iniurias Landulpho & Hubaldo Episcopis illatas, ad eorum contumaciam

maciam comprimendam, & tanti mali consuetudinem extirpandam, omnium qui coniurauerant ciuium praedia in vrbe, suburbio, agroue per quinque millia passuum in circuitu sita, ecclesiae Cremonensi addicit; prohibens ne Dux, Marchio, Comes & Sculdasio eam possessionem prohibere, aut vllaratione turbare possit.

Toto eius Imperij tempore Gothelo Ducatui Lotharingae praefuit, ex substitutione S. Henrici.

De sacra militia Imperatoris HENRICI cognomento Nigri, quem Germani III. Itali II. vocant.

C A P. X L I V.

HENRICVS Niger anno CIO XL. Conrado patri in Imperio successit. Hic graui bello restituit Petrum Vngariae Regem, Stephani nepotem, quem inuisum suis & suspectum ob studium & affectum erga peregrinos, Christianae religionis causa, & quod insolentius atque crudelius multa faceret de consilio paucorum a quibus pendeat, Quo quidam conspirationis Dux regno pepulerat.

Hic unum creauit Ducem Brabantiae.

Deinde anno .XLVI. vt Sigebertus notat, vno contra duos, & duobus contra vnum de Papatu contendentibus, Rex Henricus contra eos Romam vadit, & eis canonica, & imperiali deinde censura depositis, Suidgerus Bambergensis Episcopus, qui &

E s Cle-